



仁說三書

附錄 仁說要義

下

803
2止





仁說要義

加賀大田元貞公幹著 門人 江戸北村忠興校

南總鴉矢元鼎

加賀竹内黄裳

予少作仁說提綱，襲宋儒舊說，以天地生物之心，為仁後取其晰名義篇，支分條列以作仁說要義。先秦西漢諸書言及仁者，大概錄之，頗為詳悉矣。夫孔子言仁則衆善之宗也，而時或及親愛生育諸書，言仁則親愛生育之德也，而時或及衆善之統。既已明知論語仁字，則諸書言仁之義亦不可不知也。欲知諸書言仁之義，則予之要義亦不可

仁說要義



廢棄也董仲舒曰仁天心以為善以為慈愛生養
無往而不協當先達嘉言其妙如此是豈可廢棄
乎唯予之所解言涉論語者皆舊說也多不得是
正附之於雞肋可也文政三年庚辰秋八月望多
稼老人

親愛第一 慈愛同

論語樊遲問仁子曰愛人問知曰知人顏淵

易大傳樂天知命故不憂安土敦乎仁故能愛繫辭

孟子愛人不親反其仁治人不治反其智禮人不答

反其敬離婁

又云君子以仁存心以禮存心仁者愛人有禮者敬

人同上

又云仁人之於弟也不藏怒焉不宿怨焉親愛之而已矣萬章

又云告子曰食色性也仁內也非外也義外也非內也吾弟愛之秦人之弟則不愛也是以我為悅者也故謂之內長楚人之長亦長吾之長是以長為悅者也故謂之外也告子

又云小弁之怨親親也親親仁也同上

莊子天運商太宰蕩問仁於莊子莊子曰希狼仁也曰何謂也莊子曰父子相親何為不仁曰請問至仁莊子曰至仁無親太宰曰蕩聞之無親則不

愛不愛則不孝謂至仁不孝可乎

又云孩提之童無不知愛其親也及其長也無不知敬其兄也親親仁也敬長義也無佗達之天下也盡心

又云仁之實事親是也義之實從兄是也

孝經教民親愛莫善於孝

論語孝弟也者其為仁之本與學而

又云知者無不知也當務之為急仁者無不愛也急親賢之為務盡心

又云仁者以其所愛及其所不愛不仁者以其所不愛及其所愛同上

中庸仁者人也親親為大義者宜也尊賢為大親親

之殺尊賢之等禮所生也

小戴記穆公曰仁哉夫公子重耳哭而起愛父也檀弓

又云仁以愛之義以正之如此則民治行矣樂記

又云發號出令而民說謂之和上下相親謂之仁民

不求其所欲而得之謂之信除太天地之害謂之義

義與信和與仁霸王之器也經解

又云仁者右也道者左也仁者人也道者義也厚於

仁者薄於義親而不尊厚於義者薄於仁尊而不親

表記

表記又云母之親子也賢則親之無能則憐之母

親而不尊父尊而不親

又云子言之仁有數義有長短小大中心慤慤愛人之仁也率法而強之資仁者也詩云豐水有芑武王豈不仕諂厥孫謀以燕翼子數世之仁也國風曰我今不閱皇恤我後終身之仁也同上

又云長民者章志貞教尊仁以子愛百姓民致行已以說其上矣緇衣

又云仁者可以觀其愛焉知者可以觀其理焉強者可以觀其志焉卷服四制

大戴禮仁者莫大於愛人知者莫大於知賢政者莫大於官賢主言

春秋外傳言仁必及人仁文之愛也愛人能仁周語

又云明慈愛以道之仁楚語

又云明度量以道之義明等級以道之禮

又云驪姬曰為仁與為國不同為仁者愛親之謂仁為國者利國之謂仁晉語

穀梁傳桓會不致安之也桓盟不日信之也信其信仁其仁衣裳之會十有一未嘗有歃血之盟也信厚也兵車之會四未有大戰也愛民也莊二十七年

曰安曰愛民是皆仁之解也

荀子陳蠶問孫卿子曰先生議兵常以仁義為本仁者愛人義者循理議兵

又云親親故庸庸勞勞仁之殺也貴貴尊尊賢賢

仁說要義

老老長長義之理也行之得其節禮之序也仁愛也故親義理也故行禮節也故成大畧

墨子仁體愛也 經說

又云義利也禮敬也孝利親也信言合於意也知明也

莊子無為為之之謂天無為言之之謂德愛人利物之謂仁不同同之之謂大行不崖異之謂寬有萬不同之謂富故執德之謂紀德成之謂立循於道之謂備不以物挫志之謂完 天地

繕性云德和也道理也德無不容仁也道無不理義也義明物親忠也中純實而反乎情樂也信行

容體而順乎文禮也是以寬為仁者也

又云愛利出乎仁義 徐無鬼則親利之則夫民不難聚也愛之利出於仁義則親利之則至譽之則勸致其

左傳義利之本也 僖二十七年國語仁文之愛也 語此言愛出乎仁利出乎義也

又云端正而不知以為義相愛而不知以為仁實而不知以為忠當而不知以為信 天地

又云遠而不可不居者義也親而不可不廣者仁也節而不可不積者禮也中而不可不高者德也一而不可不易者道也神而不可不為者天也 在宥

又云中心物愷兼愛無私此仁義之情也 天道

春秋繁露汎愛群生不以喜怒賞罰所以為仁也
呂氏春秋仁愛之心識也長利
韓非子仁者謂其中心欣然愛人也其喜人之有福
而惡人之有禍也生心之所不能已也非求其報也
故曰上仁為之而無以為也義者君臣上下之事父
子貴賤之差也知交朋友之接也親疎內外之分也
臣事君宜下懷上宜子事父宜賤敬貴宜知交朋友
之助也宜親者內而疎者外宜義謂其宜也宜而為
之故曰上義為之而有以為也解老
僖十四年左傳幸災不仁
淮南子仁知人材之美者也所謂仁者愛人也所謂

知者知人也愛人則無虐刑矣知人則無亂政矣云
云故仁莫大於愛人知莫大於知人二者不立雖察
慧捷巧劬祿疾力不免於亂也泰族訓
司馬法仁見親義見說智見恃勇見方信見信仁本
又云惟仁有親有仁無信反敗其身定爵
六韜勇則不可犯智則不可亂仁則愛人信則不欺
忠則無二心論將
又云富之而不犯者仁也貴之而不驕者義也付
之不轉者忠也使之而不隱者信也危之而不恐
者勇也事之而不窮者謀也
三畧道者人之所蹈德者人之所得仁者人之所親

義者人之所宜禮者人之所體不可無一焉

下文惻隱之心仁之幾也

史記高祖仁而愛人喜施高祖本紀

又云陛下慢而侮人項羽仁而愛人同上

又云袁盎仁愛士卒士卒皆爭為死袁盎傳

賈誼新書心兼愛人謂之仁反仁為戾道術

又云心省恤人謂之惠反惠為讎

又云惻隱憐人謂之慈反慈為忍

韓詩外傳傳曰愛由情出謂之仁節愛理宜謂之義

愛恭謹謂之禮文禮謂之容

漢書公孫弘曰仁者愛也義者宜也禮者所履也智

者術之原也致利除害兼愛無私謂之仁明是非立

可否謂之義進退有度尊卑有分謂之禮擅生殺之

柄通壅塞之塗權輕重之數論得失之道使遠近情

偽必見於上謂之術程公孫弘傳按無私公也

春秋繁露春秋為仁義法仁之法在愛人不在愛我

義之法在正我不在正人我不自正雖能正人弗予

為義人不被其澤雖厚自愛不予為仁仁義法

又云質於愛民以下至於鳥獸昆蟲莫不愛方足謂

仁仁者愛人之名也同上

又云何謂仁仁者惻怛愛人謹翁不爭好惡敦倫無

傷惡之心無隱忌之志無嫉妬之氣無感愁之欲無

險設之事無辟遠之行故其心舒其志平其氣和其欲節其事易其行道故能平易和理而無事也如此者謂之仁必仁且智

又云仁而不知則愛而不別也知而不仁則知而不為也故仁者所愛人類也智者所以除其害也同上荀悅申鑒仁也者慈此者也義也者宜此者也禮也者履此者也信也者守此者也智也者知此者也政體

生養第二長育同

大戴禮孔子曰帝堯者高辛氏之子也曰放勳其仁如天生其智如神前知五帝德繫辭天地之大德曰生所謂如天以生育言也地天

生育詳雖然左傳師曠曰天之愛民甚矣襄十四年以慈愛言亦通

大戴誥志天作仁地作富

春秋繫露霸王之道皆本於仁仁天心其知養生又云仁之美者在於天大仁也天覆育萬物既化而生之又養而成之事功無已終而復始九舉歸之以奉人察於天之意無窮極之仁也

朱晦菴熹仁說天地以生物為心者也而人物之生又各得夫天地之心以為心者也故語心之德雖其摠攝貫通無所不備然一言以蔽之則仁而已矣

尚書皋陶曰帝德罔愆臨下以簡御衆以寬罰弗及
嗣賞延于世宥過無大刑故無小罰疑惟輕切疑惟
重與其殺不辜寧失不經好生之德洽于民心茲用
不犯于有司大禹謨

孔臨淮傳寧失不常之罪不枉不辜之善仁愛之
道

繫辭古之聰明叡知神武而不殺者夫

荀子哀公古之王者有務而拘領者矣其政好生
而惡殺焉冒也 句也 曲領也

益稷庶頑讒說若不在時候以明之撻以記之書
用識哉欲并生哉工以納言時而颺之格則承之

庸之否則威之

愚按欲並生哉好生之德即仁也比諸天地春氣
駘蕩生長萬物者也否則威之刑殺之威即義也
比諸天地秋氣慄烈肅殺萬物者也

真西山德秀大學衍義仁之一字見於經者自仲

虺之誥始曰克寬克仁彰信兆民伊尹繼之曰民

罔常懷懷于有仁太甲前乎此者如虞書所謂好生

之德安民則惠即所謂仁而未有仁之名至商書

而名始著然其所言大抵皆仁之用顏子之問孔

子之答乃仁之體也

朱子云蓋仁也者天地所以生物之心而人所得

以為心者也

愚按近世三河物茂卿以長人言文安民舉陶好生

之德大禹解仁學者奉以為特得之見殊不知是

皆宋儒之舊說也又皆漢儒之舊說也

小戴記王乃命公侯伯子男及群吏曰及養老幼于

東序終之以仁也文王世子

又云春作夏長仁也秋斂冬藏義也樂記

又云天地嚴凝之氣始於西南而盛於西北此天地

之尊嚴氣也此天地之義氣也秋冬天地溫厚之氣

始於東北而盛於東南此天地之盛德氣也此天地

之仁氣也春夏生長

鄉飲酒義

又云東方者春春之為言蠢也產萬物者聖也南方

者復復之為言假也養之長之假之仁也西方者秋

秋之為言愁也愁之以時察守義者也北方者冬冬

之為言中也中者藏也是以天子之立也左聖鄉仁

右義借藏也

又云子曰郊社之義所以仁鬼神也嘗禘之禮所以

仁昭穆也饋奠之禮所以仁死喪也射鄉之禮所以

仁鄉黨也食饗之禮所以仁賓客也仲尼燕居

禮運祖廟所以本仁也禮行祖廟而孝慈服焉

禮器宗廟之祭仁之至也註仁恩也父子主恩也

愚按周易云觀頤自求口實飲左傳云鄧三甥曰

仁說要義

十

若不從三臣抑社稷實不血食而君焉取餘人將云
不食我餘矣又云令尹子文云鬼猶求食若敖氏
莊六年之鬼其不飢而宣四祭統云祭者所以追養繼孝
也坊記云脩宗廟敬祀事教民追孝也所謂仁者
以養言鄭康成云仁猶存也非也或云公羊傳先
君不以其道終已正即位之道而即位是無恩於
先君也桓元宗廟之仁以恩言亦通
列女傳君子謂不疑之母能以仁教詩云昊天疾威
敷于下土言天道好生疾威虐之行于下土體上天
好生之心者不疑之母之謂也
白虎通五常論語疏性者何仁義禮智信也仁者不忍

也施生論語疏作好生愛人也義者宜也斷決得中也禮者
履也履道成文也智者知也獨見前聞不惑於事見
微者也論語疏智者知也或於是信者誠也專一不移
也
又云仁者好生義者斷決
皇侃論語義疏春主施生仁亦主施生金主嚴殺
義亦果敢斷決也
愚按以好生解仁不特宋儒劉向班固既先言之
蓋先秦以來古義也
檀弓孔子曰之死而致死之不仁而不可為也之
死而致生之不知而不可為也

又云孔子謂為留靈者善謂為備者不仁不殆於用人乎哉

孟子殺一無罪非仁也非其有而取之非義也盡心

荀子奪然後義殺然後仁上下易位然後貞臣道

註奪者不義之名殺者不仁之稱上下易位則非貞也而湯武惡桀紂之亂天下而奪之是義也不忍蒼生之塗炭而殺之是仁也雖上下易

位而使賢愚各當分歸於正道是貞也

呂覽廢上非義也殺民非仁也人犯其難我饗其利非廉也離俗

莊子讓王同

公羊傳論季子曰故君子以其不受為義以其不殺為仁襄二十九年

夏小正鷹則為鳩鷹也者其殺之時也鳩也者非其殺之時也善變而之仁也故其言之也曰則盡其辭也鳩為鷹變而之不仁也故不盡其辭也

大戴禮夫水者君子比德焉所及者生所不及者死似仁勸學

大學堯舜帥天下以仁而民從之桀紂帥天下以暴而民從之

韓非仁者慈惠而輕財者也暴者心毅而易誅者也八說

韓詩外傳民勞思佚治暴思仁刑危思安國亂思
天非（音）音惡而肆其言也暴音（音）肆而思格也
孟子矢人豈不仁於函人哉矢人惟恐不傷人函
人惟恐傷人巫匠亦然故術不可不慎也公孫也
韓非輿人成輿則欲人之富貴匠人成棺則欲人
之夭（死）也非輿人仁而匠人賊也利在人之死也
備內
孟子人皆有不忍人之心先王有不忍人之心斯
有不忍人之政矣以不忍人之心行不忍人之政
治天下可運之掌上所以謂人皆有不忍人之心
者今人乍見孺子將入於井皆有怵惕惻隱之心

非所以內交於孺子之父母也非所以要譽於鄉
黨朋友也非惡其聲而然也由是觀之無惻隱之
心非人也無羞惡之心非人也無辭讓之心非人
也無是非之心非人也惻隱之心仁之端也羞惡
之心義之端也辭讓之心禮之端也是非之心智
之端也公孫也
又云王如施仁政於民省刑罰薄稅斂梁惠王
又云不嗜殺人者能一之同上
司馬法不窮不能而哀憐傷病是以明其仁也
仁本 哀憐與惻隱同
又云聖人既竭心志繼之以不忍人之政而仁覆

天下矣離婁

又云人皆有所不忍達之於其所忍仁也人皆有所不為達之於其所為義也人能充無欲害人之

心而仁不可勝用也人能充無穿踰之心而義不可勝用也盡心

韓詩外傳若夫忠信端慤而不害傷則無接而

不然足仁之質也
韓非成驩謂齊王曰王太仁太不忍人內儲說

又云仁者慈惠而輕財者也慈惠則不忍輕財則好與八說

愚按是皆仁與暴忍殺害傷賊對用則仁之為生

育之德昭然著明矣學者察諸限不思神故

恩惠第三恩澤 施惠 同
孟子百姓之不見保為不用恩焉故推恩足以保四海不推恩無以保妻子今恩足以及禽獸而功不至於百姓者獨何與

愚按此章曰保民曰保百姓曰保四海皆仁之功也惻隱不忍是仁之本也所謂恩者恩惠之仁也禮記表有四制變而從宜取之四時也有恩有理有節有權取之人情也恩者仁也理者義也節者禮也權者知也仁義禮智人道具矣又云門內之治恩揜義門外之治義斷恩表服四制

荀子推(恩)而不理不成(仁)遂理而不敢不成義審節
不和不成禮和而不發不成樂故曰仁義禮樂其致
一也 大畧

莊子以(仁)為(恩)以(義)為(理)以(禮)為(行)以(樂)為(和)薰然
慈(仁)謂之(君子) 天下之本也

大學(仁)者以(財)發身不(仁)者以身發財

孟子陽希曰為(仁)不富矣為富不(仁)矣
三畧無使(仁)者主(財)為其(多)施而附於下也 軍勢

韓非夫(施)貪困者此世之所謂(仁)義哀憐百姓不忍
誅罰者此世之所謂(惠)愛也 和氏

又云(仁)者慈(惠)而(輕)財者也慈(惠)則不(忍)輕(財)則(好)
又云(仁)者慈(惠)而(輕)財者也慈(惠)則不(忍)輕(財)則(好)
又云(仁)者慈(惠)而(輕)財者也慈(惠)則不(忍)輕(財)則(好)

又云卜皮曰夫慈者不(忍)而惠者(好)與 內儲說

又云寬(惠)行(德) 德謂之(仁) 說使

晉語驪姬曰吾聞申生甚好(仁)而強甚(寬)惠而慈
於民

又云今夫輕爵祿易去以擇其主臣不謂廉詐說
逆法倍主強諫臣不謂忠行(惠)施(利)收(下)為(名)臣不
謂(仁)離俗隱居而以非上臣不謂(義) 有度

史記剛毅戾深事皆決於法刻削毋(仁)恩和義 始紀

又云今陛下(仁)惠百姓恩澤加海內 律書

莊子妄意室中之藏聖也入先勇也出後義也知

可否知也分均仁也 肱篋

愚按分財是施分而平均是公宋儒以公解仁程是為近之

又云夫勇者不避難仁者不窮約智者不失時王者不絕世以立其義今存越示諸侯以仁子貢傳

愚按不窮約不窮極人之困約

孟子今有仁心仁聞而民不被其澤不可法於後世者不行先王之道也離婁

莊子鑿萬物而不為庖澤及萬世而不為仁天道

國語驪姬曰吾聞申生甚好仁而強甚寬惠而慈於民 晉語

大史公與任安書修身智之符也愛施者仁之端也取予者義之表也恥辱者勇之決也立命者行之極也

春秋繫露高其位所以為尊也下其施所以為仁也藏其形所以為神也見其光所以為明也

鄭玄禮記註仁恩也父子主恩也檀弓註仁恩也又表服四制註仁者有恩者也

皇侃論語疏仁者施惠之謂也 依於仁條 大學一家仁一國興仁一家讓一國興讓一人貪

戾一國作亂 禮運用人之仁去其貪

春秋繁露吾以心之名得人之誠人之誠有貧有仁仁貧之氣兩在於身

大學仁讓與貧廢對仁貧對用者禮運繫露足以相徵矣其與廢對者賈誼新書云心兼愛人謂之仁反仁為戾是也亦學者不可不知也愚按仁貧對用仁有恩惠施與之義故與貧求相反

救濟第四

論語或問管仲曰人也憲問人仁通

又云子曰桓公九合諸侯不以兵車管仲之力也如其仁如其仁同上

又云子曰管仲相桓公霸諸侯一匡天下民到于今受其賜微管仲吾其被髮左衽矣同上

愚按此稱管仲救民濟世之功利澤恩惠遠被于後世者為仁國語畜義豐功謂之仁蓋言此等之義也

又云宰我問曰仁者雖告之曰井有仁焉仁與人通其從之也雍也

又云子貢曰如有博施於民而能濟眾何如可謂仁乎子曰何事於仁必乎聖乎堯舜其猶病諸同上

愚按仁者以救濟為心故宰我欲極觀仁人之心故有此問

又按廣施恩惠是仁之事也救濟患難亦仁之事也而夫子言何事於仁必乎聖乎者明仁者聖人之別也聖字豈有博施濟衆之義乎而謂之聖者人而至此是不啻可稱仁者即亦聖人也子貢以此為仁而求之則仁終不可成故下文別教為仁之方矣而言夫仁者則夫子所辨在仁者聖人之別而不言博施濟衆之非仁也學者察焉

保安第五

臯陶謨知人則哲能官人安民則惠黎民懷之孔傳

也愛之則民歸之

太甲民罔常懷懷于有仁

蔡仲之命民心無常惟惠之懷

愚按惠仁之同是可以見矣

周語言仁必及人仁文之愛也愛人能仁言惠

必及和惠文之慈也慈和能惠惠之與仁猶哲

之與智也

文侯之命柔遠能通惠康小民無荒寧

康誥由古先哲用康保民

曲禮毋不敬儀如思安定辭安民哉

大雅民亦勞止汔可小康五章惠此中國以綏四

仁說要義

方民勞

孟子王若用予則豈徒齊(民安天下之民舉安)孫公也

論語子曰脩己以安(百姓)堯舜其猶病諸

愚按顏淵問(仁)子曰克己復禮為(仁)(左傳昭十年仲尼曰古也)

(有志克己復禮仁也與此同)是脩己以安百姓之義也克己復

禮脩己也為仁安百姓也中庸曰知所以脩身則

知所以治人知所以治人則知所以治天下國家

矣即此義也宋儒不察此義直就克己復禮求仁

之解有私欲沈而天理見人欲淨盡天理流行之

說殊不知夫子答弟子問仁皆為仁之方而非解

仁之義也如宋儒以筌為魚以蹄為鬼者也可笑之甚詳見予論語大疏

舊說如此今不取

康誥若有疾(樂記義)惟民其畢棄咎(若保赤子)(樂記)

(愛之)惟民其康乂

愚按保者愛護也此條之義詳民之父母

荀子富國兼覆之養長之如保赤子(不具其詳)

國語富辰曰夫義所以生利也祥所以事神也(仁所)

以保民也(周語)

孟子推恩足以保四海不推恩無以保妻子(梁惠王)

上文老吾老以及人之老幼吾幼以及人之幼天

下可運於掌覆此意
又云保民而王莫之能禦也保民也吾不忍其殼鯀
若無罪而就死地不忍之心也隱其無罪而就死地
則牛羊何擇焉隱憫隱憫也今恩足以及禽獸而
功不至於百姓者獨何與思亦也百姓之不見保為
不用恩也思亦仁也
愚按孟子以惻隱不忍之心解仁以此章為首先
說保民繼之以惻隱不忍之心惻隱不忍之心則
仁之本而保民則仁之極功四端之章九有四端
於我者知皆擴而充之矣若火之始然泉之始達
苟能充之足以保四海苟不充之不足以事父母

即又此章之義也
馬融論語三仁註云仁者愛人三人行各異而同
稱仁以其俱在憂亂寧民也漢儒亦以愛人安民
解仁也
民之父母第六
洪範天子作民父母以為天下王孔傳言天子布德
惠之義為兆民之
小雅南山有臺樂只君子民之父母
大雅洞酌豈弟君子民之父母
刑法志夫人宵天地之類懷五常之性聰明精粹
有生之最靈者也爪牙不以足供嗜欲趨走不以

仁說要義

二十

足辟利害，無毛羽以禦寒暑，必將役物以為養任，智而不恃力，此其所以為貴也。故不仁愛則不能群，不能群則不勝物，不勝物則養不足，群而不足爭心，將作上聖卓然先行敬讓博愛之德者，衆心說而從之，從之成群，是為君矣。歸而往之，是為王矣。洪範曰：天子作民父母，為天下王，聖人取類以正名，而謂君為父母，明仁愛德讓王道之本也。愛待敬而不敗，德須威而久立，故制禮以崇敬，作刑以明威也。

戴記子言之：君子之所謂仁者，其難乎？詩云：凱弟君子，民之父母。凱以強教之，弟以說安之，樂而毋荒，有

禮而親戚莊而安，孝慈而敬，使民有父之尊，有母之親，如此而后可以為民父母矣。非至德其孰如此乎？表記

又云：子言之曰：後世雖有作者，虞舜弗可及也已矣。君天下生無私死，不厚其子，子民如父母，有憺怛之愛，有忠利之教，親而尊，安而敬，威而愛，富而有禮，惠而能散。同上

又云：詩云：樂只君子，民之父母。民之所好好之，民之所惡惡之，此之謂民之父母。大學

下文好人之所惡，惡人之所好，是謂拂人之性，菑必逮夫身。

大學唯仁人放流之，逆諸四夷，不與同中國。此謂唯仁人為能愛人，能惡人。里仁
論語子曰：唯仁者能愛人，能惡人。議兵
荀子：仁者愛人，故惡其所以害之者。
孟子：國人皆曰：賢，然後用之；國人皆曰：不肖，然後去之；國人皆曰：可殺，然後殺之。如此，然後可以為民父母。梁惠王
愚按：大學孟子以君子與民同好惡，去用為民之父母，蓋仁者之愛民也。甚矣為天下之民好賢而用之，以興民之利，為天下之民惡佞而去之，以祛民之害，好惡之辨，公諸天下，而不關私之喜惡，是

論語大學所云：唯仁人能愛人，能惡人者也。既曰：民之父母，又曰：仁人仁者，則民之父母，即仁之謂也。中庸體群臣也

體，四體也。孟子：君之視臣，如手足，如土芥，則臣視君，如寇讎。股，股也。目，目也。是也。
廢民也。九經

下文：子庶民，則百姓勸。時使薄斂，所以勸百姓也。緇衣：君民者，子以愛之，則民親之；信以結之，則民不倍；恭以涖之，則民有孫心。
又云：長民者，章志貞教，以子愛百姓，民致行，己以說其上矣。

靈臺經始勿亟，庶民子來。

子愛者上愛民如己子也子來者下戴上也如父母來走其事也

愚按樂記易直子諒之心韓詩作易直慈良之心荀子慈愛百姓或有據是以子愛為慈愛者殊不知子庶民子愛百姓民之父母之謂也

康誥若有疾義以惟民其畢棄咎若保赤子仁以惟民其康乂

孔臨淮傳云愛養人如安孩兒赤子不失其欲惟民其皆安治

大學慈者所以使衆也慈者愛子之德也在家慈愛子即是所以在家朝仁愛民也康誥曰如保赤子保赤子即慈也如保赤子愛民如愛赤子也如保赤子民之父母即

仁之謂也一家仁一國興仁堯舜率天下以仁而民從之慈保之後接之以仁父母之心仁之謂也至此昭明矣

愚按父母之心專一於慈愛生養仁者於民亦復爾爾如此然後是謂之仁之熟矣仁之熟見孟子

又按孟子分人以財謂之惠教人以善謂之忠為天下得人者謂之仁文勝為天下得人者所謂民之所好好之所謂能愛人者即父母之心仁者之事也

仁者人也第七
表記仁者人也道者義也鄭註人也謂施以仁恩也義也謂斷以事宜也

中庸仁者人也親親為大義者宜也尊賢為大鄭註
人也讀如相人偶之人以人意相存問之意
孟子仁也者人也義也者宜也合而言之道也盡心趙註
能行仁恩者人也

愚按今本脫義也者宜也一句晦庵集註引外國
本孟子有義也者宜也禮也者履也智也者知也
信也者實也四句似得其正雖然仁義禮智信五
常之目始見董仲舒對策漢儒之所以立此目以
配五行孟子之時所無孟子有仁義禮智樂之稱
又有仁義禮智聖之稱證諸表記中庸脫義者宜也一句耳說卦傳云立
人之道曰仁與義明矣仁義二者合而言之道也

揚子夫道以導之德以得之仁以人之義以宜之禮
以體之天也問道

春秋籙露春秋之所治人與我也所以治人與我者
仁與義也以仁安人以義正我故仁之為言人也義
之為言我也言名以別矣仁之於人義之於我者不
可察也衆人不察乃反以仁自裕而以義設人詭其
處而逆其理鮮不亂矣是故人莫欲亂而大抵常亂
凡以闇於人我之分而不省仁義之所在也仁義法
又云故曰仁者愛人不在愛我此其法也故曰義在
正我不在正人此其法也同上謂正我義云者非謂正人
又云是故義與仁殊仁謂往義謂來仁大遠義大近

愛在(人)謂之(仁)宜在(我)謂之(義)(仁)主入(義)主我也故
曰(仁)者人也(義)者我也此之謂也同上
愚按(仁)者人也趙臺卿鄭康成所註不明得(仲舒)
之解(昭)明確的無可容疑予又稽諸(周語)單襄公
曰言(仁)必及(人)(仁)文之愛也愛(人)能(仁)由是觀之
仁之為(人)不在(愛)我而愛(人)之謂是春秋古義(仲
舒)蓋有所受之矣

从人从二第八

春秋元命苞(仁)者情志好(生)愛(人)故其為(人)以(入)其
立字(二)人(為)仁分註云(仁)人言不專於己念施與也

太平御覽
三百六十一

愚按以好生為仁不特劉向班固言之也緯書亦
言之其為古義可以見矣曰愛人曰施與亦古訓
也

許慎說文(仁)親也從(人)从(二)徐鉉曰(仁)者兼愛故(从)

(二)通論曰(仁)者兼愛故(人)(二)為(仁)黃公紹韻會

愚按(仁)字从(人)从(二)亦(仁)者(人)也之義也天地元
德施之生民以為惻隱不忍之心是故人之與人
相對親愛之心生焉此故古人制字从(人)从(二)為
仁逆之於制字之源則仁之古訓不待辨而明矣
安仁居仁第九

論語子曰(里)仁為美擇(不)處(仁)焉得(智)里(仁)

仁說要義

廿五

又云子曰仁者安仁智者利仁同上

表記子曰中心安仁者天下一人而已矣

又云子曰無欲而好仁者無畏而惡不仁者天下
一人而已矣

論語子曰我未見好仁者惡不仁者里仁

又云仁者安仁智者利仁畏罪者強仁

中庸或安而行之或利而行之或勉強而行之及
其成功一也

孟子孔子曰里仁為美擇不處仁焉得智夫仁天之
尊爵也人之安宅也莫之禦而不仁是不智也公孫
又云仁人之安宅也義人之正路也曠安宅而不居

舍正路而不由哀哉離婁

又云居惡在仁是也路惡在義是也居仁由義大人
之事備矣滕文公

孟子又云處天下之廣居立天下之正位禮行
天下之大道義 滕文公

荀子仁有里義有門仁非其里而虛之非禮也義非
其門而由之非義也大畧

楊倞云虛讀為居聲之誤也 愚按虛恐處之誤
字體相近

揚子法言或問仁義禮智信之用曰仁宅也義路也
禮服也智燭也信符也處宅由路正服明燭執符君

子不動動斯得矣 脩身

愚按曰里曰宅曰居曰處其義一也安者處而安之也呂覽云民之安之如性此之謂教成賞由是觀之安者習與性成太習慣如自然家之謂如此然後稱為仁者是以難其人也雖子路之果冉求之藝公西華之容儀仲弓之德行令尹子文之忠陳文子之清而夫子不許之以仁者內之不能擴慈愛惻怛之心視人猶子外之不得建救濟保安之功利澤及民如管仲者夫子之所以謙而不敢當者則我豈敢仁亦為此故也是亦舊說

附仁之難成

表記子言之君子之所謂仁者其難乎

又云子曰仁之難成久矣唯君子能之

又云子曰仁之難成矣人人夫其所好故仁者之

過易辭也

又云子曰仁之為器重其為道遠舉者莫能勝也

行者莫能致也取數多者仁也夫勉於仁者不亦

難乎

論語曾子曰士不可以不弘毅任重而道遠仁

以為己任不亦重乎死而後已不亦遠乎

論語樊遲問仁子曰仁者先難而後獲可謂仁矣

雍也

又云司馬牛問仁子曰仁者其言也訥為之難言之得無訥乎顏淵

欲仁求仁第十

孟子強恕而行求仁莫近焉盡心

論語夫仁者已欲達而達人已欲立而立人能近取譬可謂仁之方也雍也是恕也

又云仲弓問仁夫子答之曰已所不欲勿施於人顏淵是亦恕也

申鑿通於道者其守約有一言而可常行者恕也有一行而可常履者正也恕者仁之術也正者義之要也

又云仁遠乎哉我欲仁斯仁至矣述而

徐幹中論古之人譎曰相彼玄鳥止于陵阪仁道

在通求之無遠夫子之言或本于此

論語伯夷齊求仁而得仁又何怨乎述而

又云欲仁而得仁又焉貪堯曰

又云有能一日用其力於仁者矣乎我未見力不足者也蓋有之矣我未之見也里仁

仁道仁德第十一

說卦立天之道曰陰與陽立地之道曰剛與柔立人之道曰仁與義

孟子仁也者人也義也者宜也合而言之道也

又云孔子曰道二仁與不仁而已矣離婁

又云夫道一而已矣滕文 上文孟子道性善言

必稱堯舜也仁也

周禮以鄉三物教萬民賓興之一曰六德知仁聖義

忠和

中庸知仁勇三者天下之達德也所以行之者一也

論語君子之道者三焉知者不惑仁者不憂勇者不

懼

孟子既醉以酒既飽以德言飽乎仁義也告子

僖十四年左傳四德親仁祥義

哀七年左傳二德信仁

又吳子圖國四德道義禮仁

司馬法六德禮仁信義勇智

愚按道德善三者皆統名也孟子合而言之道也

統名朱元晦曾言之說見語類是故仁義謂之道又謂之德為德

舉陶謨九德強而義大司徒六德知仁聖義忠和

立政義德容德孟子既飽以德言飽乎仁義也文

王世子衆知其德之備大敬禮孝養

義仁吳子四德司馬法六德皆有義近儒不通此

義曰仁智德也禮義道也判然為兩殊不知仁義

禮智皆是道也皆是德也以所由而有道之名焉

論語先王之德斯為美小大由之又云何莫由斯

道也孟子夫道若大路然豈難知哉又云終身由

之而不知其道者衆也又云由今之道又云由其人

道又云義人之正路也舍正路而不由又云義人

仁義行又云居仁由義畢命世祿之家鮮克由禮

仁說要義

北九

莊子漁父道者萬物之所由也楊子修身宅也義路也處宅由路又問道夫道以導之三畧道者人之所踏董仲舒對策道者所歸適於治之路也仁義禮樂皆其具也又云所歸者非其道是以政日以什減也夫周道衰於幽厲非道亡也以所得幽厲不歸也由者言人之蹈而行之也而有德之名焉樂記禮樂皆得謂之有德德者得也鄉飲酒義德也者得於身也故曰古之學術得道者將以得身也故聖人務焉非鮮老德者得身也揚子問道德以得之三畧德者人之所得得者言所存之別而其物則一也遂以義為非德之名強辨橫論紛拏不已可謂誤也雖然古稱有道有德稱德行道藝者其物亦別不可溷穀予曾作學說詳辨其義不贅于此云

仁諸德之長第十二

文言元者善之長也君子體仁足以長人

左傳魯穆姜云元者體之長也體仁足以長人今我婦人之長人而與於亂體仁反固在下位應我婦人之反而有不仁應與於亂不可謂元襄九年又云子服惠伯曰元善之長也事不善不得其極上美為元昭十二年愚按此段之旨詳見予仁說提綱本天元注善者諸道諸德之總名論語子曰人而不仁如禮何人而不仁如樂何八佾又云子曰回也其心三月不違仁其餘則日月至焉而已矣雍也

愚按子曰如有周公之才之美設使驕且吝其餘

不足觀也已矣。餘義與此同。言其智勇等諸德也。古注以來以為是稱顏子之仁，其餘指其它游夏等諸子也。殊不知是呼顏子告依仁之效，論也可謂誤也。是亦舊說。中庸為政在人，取人以身，脩身以道。禮脩道以仁，仁者人也。義者宜也。親親之殺，尊賢之等，禮所生也。愚按禮樂禮義古聖人所以脩己治人之大道，然而非仁則不能脩之於己，非仁則不能用之於天下。且苟依於仁，則其它諸德可得而成，仁之為百德之宗，是可以見矣。夫子云：元善之長，豈不信然乎。

儒行溫良者仁之本也。敬慎者仁之地也。寬裕者仁之作也。遜接者仁之能也。禮節者仁之貌也。言談者仁之文也。歌樂者仁之和也。分散者仁之施也。儒皆兼之而有之，且不敢言仁也。其尊讓有如此者。

仁不特君德第十三

文言元者善之長也。君子體仁足以長久。

大學為人君止於仁，為人臣止於敬，為人子止於孝，為人父止於慈，與國人交止於信。

荀子固以為王天下治萬變材萬民養萬民兼制天下者為莫若仁人之善夫。富國。

荀子道者何也曰君道也。君者何也曰能群也。能

群也者何也曰善（生養人者）也君道養即仁也按生

愚按是皆以仁為君德者也

周禮以鄉三物教萬民而實與之一曰六德知仁聖

義忠和二曰六行孝友睦婣任恤三曰六藝禮樂射

御書數大司徒

中庸知仁勇三者天下之達德也所以行之者一也

大學一家仁一國興仁一家讓一國興讓一人貪戾

一國作亂

論語君子篤於親則民興於仁故奮不遺則民不偷

泰伯

緇衣子曰禹立三年百姓以仁遂豈必盡仁

又云子曰上好仁則下之為仁爭先人

孟子君仁莫不仁君義莫不義君正莫不正一正君

而國定矣離婁

愚按是皆以仁屬在下者也

又按近世物茂卿以長人安民解仁長人出文言

安民出臯陶謨是固仁之極功雖然如此解仁則

仁特為君上之德而不屬在下可謂偏枯也且徵

諸經傳仁為在下之德者亦不復鮮其誤可見矣

仁不專親愛第十四

國語葉公子高曰愛而不仁楚語

孟子君子之於物也愛之而弗仁於民也仁之而弗

仁說要義

世二

親親親而仁民仁民而愛物盡心

愚按先儒或有以親字愛字解仁者矣仁固親愛之德雖然專於親愛則至於國語孟子窒而通是故仁字不可不以生養解也

又按孟子以親屬親以仁屬民以愛屬物此言固是然亦徵諸經傳有不然者焉詩序周家忠厚

仁及草木行則物亦可謂仁矣韓非古者先王盡力於親民加事於明法飾又云越王勾踐及國棄

龜明法親民以報焉同則民亦可謂親矣且也戴記亾人無以為寶仁親以為寶檀弓則親以仁言

矣孟子狹提之童無不知愛其親也盡心孝經愛親

者敢不惡於人天子則親又以愛言矣荀子君父者

愛民而安強國則民亦以愛言矣孟子之言似不

可必拘泥者學者宜察焉

又按孟子親親仁也告子國語愛親之謂仁晉語是

親愛仁也而孟子曰親親而仁民仁民而愛物盡心

以親仁愛相對而言中庸義者宜也祭義禮也者

理也荀子義理也大畧是禮義理也而管子曰禮出

乎義義出乎理理因乎宜者也禮義理宜相對

而言中衷一也詳見中庸說而國語云考中度衷以泄

之謂是中衷對用嚴儀一也而祭義曰嚴威儀恪

非所以事親也是嚴儀對用經傳之言往往有如

此者不可執一而論也

仁人通用第十五

論語微子云之箕子為之奴比干諫而死孔子曰殷有^(三)仁焉微子

愚按三子恐是古之仁人雖然如比干諫死似志士仁人有殺身以成仁衛靈公猶可謂之仁矣其實可謂之忠如微子去之箕子為奴明哲保身之類謂之智則可矣謂之仁則未也或有引證他書言三子之行者附會其仁是不知讀書者也上文明言去之為奴諫死若解仁為仁德則可就去之與奴之上求所謂仁者不得假他書之一語也去之與奴

不可以為仁則三仁之仁解為仁德者非也予因知仁人之誤殷有三仁者周有八士微子武王曰我有亂臣十人舜有臣五人秦伯之類古書所謂國有人國無人皆謂賢人所謂有三人者有三賢人也然古人先予有此說見陳眉公續狂夫之言張燧千百年眼等矣是亦舊說

又云孝弟也者其為仁之本與學而臣軌註引論語云孝弟也其為人之本與鄭玄曰言人有其本性則成切立行

愚按鄭本仁為人焦弱矣筆乘陳眉公續狂夫之言皆改仁作人與鄭本暗合冥會雖然愚考諸管

子曰孝弟者仁之祖也是此文明證鄭本之誤斷而可知而弱侯眉公好奇之過亦斷而可知矣又云人之過也各於其黨觀過斯知仁矣

愚按眉公又以仁為人之誤非也表記云子曰仁有三與仁同切其仁未可知也與仁同過然後其仁可知也又云子曰仁之難成久矣人人失其所好故仁者之過易辭也是觀過知仁之徵也

又云宰我問曰仁者雖告之曰井有仁者焉者字邢本無皇其從之與雍也

愚按仁人之誤又云或問管仲曰人也憲問

家語致思子路問於孔子曰管仲之為人如何子曰仁也

愚按夫子又稱管仲曰若其仁若其仁人也之人為仁之誤不待辨而明矣

又云子曰志士仁人無求生以害仁有殺身以成仁衛靈公

唐國子學石經仁作人見顧炎武金石文字記愚按晉語殺身以成志仁也列子說符仁義使我殺身以成名是可徵此章之義矣石經恐誤表記以德報怨寬身之仁也以怨報德則刑僇之民也

愚按仁人之誤

呂覽喜之以驗其守樂之以驗其僻怒之以驗其節
懼之以驗其特哀之以驗其人苦之以驗其志論人
愚按人仁之誤表記中心憫怛愛人之仁也孟子
惻隱之心仁之端也春秋繁露仁者惻怛愛人司
馬法哀憐傷病是以明其仁也三畧惻隱之佛書
仁謂之慈悲哀之以驗其仁蓋哀傷淺深足以驗
其愛人之厚薄也

仁有大小長短生熟之分第十六

表記子言之仁有數義有長短小大一見第

呂覽天下稱大仁稱大義分職

荀子有大忠者有次忠者有下忠者臣道

韓非小忠大忠之賊說林

又云小信成則大信立外儲說

左傳大義滅親隱四年

大戴夫小辨破言小言破義小義破道小辨

孟子大孝終身慕父母萬章

又云瞽瞍底豫天下之為父子者定是謂之大孝

離婁

始曰舜大孝又見中庸

孟子五穀者種之美者也苟為不熟不知美稗夫仁
亦在乎熟之而已矣告子

仁說要義

世六

春秋繁露聖人之道不能獨以威勢成政必有教化故曰先之以博愛教之以仁也

徐幹中論仁以博愛義以除惡信以立情禮以自節聰以自察明以觀色謀以行權智以辨物

常昭國語註博愛於人為仁周語言仁必及人之下

袁宏漢紀行著一家一家稱焉德播一鄉一鄉譽焉

故博愛之謂仁辨惑之謂之智光武紀下論

皇侃論語義疏人有博愛之德謂之仁有嚴斷之德

為義有明辨尊卑敬讓之德為禮有言不虛妄之德

為信有昭了之德為智子張問十世

韓愈原道博愛之謂仁行而宜之謂宜

愚按博愛之仁世儒以謂狃於韓子殊不知是漢

魏以來舊說也其呆可笑

論語汎愛衆而親仁左傳陳五父曰親仁善隣國

不親仁君汎愛是博愛之義

莊子天道兼愛無私此仁義之情也公孫弘傳兼

愛無私謂之仁賈誼新書心兼愛人謂之仁春秋

繁露汎愛群生所以為仁也兼愛汎愛與博愛同

然所謂兼愛非墨子兼愛也

諸家解仁第十八

河南程氏愛情仁性愛情仁性不專言偏言四德之

仁說要義

常之仁偏言則一唯公近之仁道難言公而以人體
事專言則包四者唯公近之公而以人體
之公而以人體生之性心譬如穀種生至公人能至
仁正理之仁者天下

程云愛自是情仁自是性豈可專以愛為仁

橫渠張氏虛虛靜虛者仁之原禮義者仁之用○
厚虛靜仁之本敬

龜山楊氏萬物與我為一陳淵問楊中立曰萬物與
我為一其仁之體乎曰然

愚按程氏亦曰仁者以天地萬物為一體蓋師說

也又按程云仁者渾然與物同體

上蔡謝氏生活者為仁死知覺則知覺心有所覺謂之仁
生則有所覺矣不

愚按程氏曰不仁者無所知覺指知覺為

仁則不可顯道背其師說矣

天之理無私心仁者天之理克己復
禮無私心焉則天矣

延平李氏私欲沈天理見庶幾私欲沈天當理而無

私心無私心即理當理而

新安朱氏無私欲余正叔謂無私欲是仁曰私欲淨

盡天理流行若能到私欲淨盡天理心之德專愛之

理偏

愚按程氏建愛情仁性之說駁漢儒以愛語仁韓

子以博愛語仁程云孟子曰惻隱之心仁也後人

是情仁自是性豈可專以愛為仁惻隱固是愛也愛自
仁蓋為前已言惻隱之心仁之端也既曰仁之端
則不可便謂之仁退之博愛之謂仁非也仁者固
博愛然便以博愛為仁則不可又曰仁者必愛指

仁說要義

世八

愛為仁則不可不仁者無所
知覺指知覺為仁則不可
自是以後其門徒如
揚謝諸子惡愛如虺蜮於是乎生活知覺萬物一
體之說興焉仲晦救其偏矯其弊仁又不離愛雖
然其所主張在於性體而至於聖人所教愛人安
民之義看以為粗迹大背乎古義矣予作偽學辨
詳斥其非今不贅于此

對用第十九

仁義繫辭傳二 說卦一 禮運三 曲禮一 樂記二 祭義
一表記二 郊特牲二 大傳一 樂記二 祭義
十二年君子曰鄉飲酒義一 儒行一 襄二十九年
論季子公羊傳宣公六年 晉孟荀莊列以後以仁
史謂趙盾穀梁傳僖三年 孟荀莊列以後以仁
義並言者極多不勝枚舉故今不具錄別錄長

愚按仁義並言古聖人之法言也近世物茂卿建
仁智德也禮義道也之說世之學者以仁義並言
為不倫之語是皆不通古之過也

仁義禮中庸仁義禮智孟子仁義禮樂荀子仁義

禮智樂孟子仁義禮智聖孟子仁義禮智貞史記

○仁義禮智信董仲舒對策仁義禮智貞史記

志仁義禮智信言修身漢書東平王宇傳刑法

愚按以仁義禮智信為五常以配五行是漢儒妄
說予作教說辨其紕繆可并考焉寬仁並言知仁
勇並言之類別在予外集中今不復具錄

雜義第二十

仁說要義

世九

智知仁行中庸天下之達道五所以行之者三曰君臣也父子也夫婦也昆弟也朋友之交也五者天下之達道也知仁勇三者天下之達德也所以行之者一也

又云子曰好學近乎知大戴備將軍文子孔子曰好學則智孟子子貢曰學不倦倦仁也教力行近乎仁知耻近乎勇文言寬以居之仁以行之

按中庸知仁勇下文受以三知三行似以智為知以仁為行矣此一義也予又別有說

檀弓君子曰樂樂其所自生禮不忘其本古之人有言曰狐死正丘首仁也上文太公封於營丘比及五世皆反葬於周鄭玄註云

正丘首猶正首丘也仁思也陳澧注云倍本忘死非仁者之用心故以仁目之

左傳成九年不背本仁也不忘舊信也無私忠也尊君敏也言稱先職不背本也樂操土風不忘舊也

愚按狐丘首之為仁樂所自生與不忘其本是也與左氏不背本之義合唯不背本之為仁則忠厚之義也忠厚者仁之類也

左傳度功而行仁也昭二十年國語畜義豐功仁也單襄公曰

魯語仁者講功而知者處物無功而祀之非仁也不知而不問非知也

愚按是以功論仁者也凡左國二書論道德字面

多其旁義是其類也

又按近儒有據此諸語附會管仲之仁以功說仁者周易所謂童觀之類可笑之甚

左傳君子曰酒以成禮不繼以淫義也以君成禮(弗)

(納於淫仁也)是莊二十二年

大戴千乘公曰為仁如何子曰不仁國不化公曰何如之謂仁子曰(不淫於色)

愚按人君淫色則汰侈放佚秕政離斂所由而興是故人君不淫於色則仁矣

論語子貢曰伯夷叔齊何人也子曰古之賢人也曰怨乎曰求仁而得仁又何怨乎述而

孔安國曰伯夷叔齊讓國遠去終於餓死故問怨乎以讓為仁豈怨乎

左傳宋公疾太子茲父固請曰日夷長且仁君其立之公命子魚子魚辭曰能以國讓仁孰大焉臣不及也僖八年

愚按是以讓論仁者也是亦一義也雖然夷齊之仁予別有說詳見於論語大疏

仁說要義

仁說要義

四十一止

鮮矣年隱三驕驕降降憾憾如貫珠璣予少時依文理
圖解名之曰貫珠法古文此法極多唯降字上則謙
抑自降范史所謂降挹也下則降黜其爵祿也二降
字不同

大雅民之多辟無自立辟板上之辟邪辟也下之辟
法則也二辟字不同

論語克己復禮為仁由己物茂卿太宰純欲使二
己字同義矣其拘泥如此殊不知家語克己服義
克己之己與禮義對己之私欲也由己之己與由
己對己身也論語求己求己為己為人此己字也
不破拘泥經義不通經義不通聖意不明聖意不

明斯道藁塞豈細事乎哉

孟子富貴不能淫貧賤不能移威武不能屈此之謂
大丈夫滕文公富貴貧賤屬己威武屬人同語而判人
我是其最明白易見者也

又告子曰不得於言勿求於心不得於心勿求於氣
公孫言者人之言語也心氣者己之心氣也二求字
亦意義自殊拘泥者欲以言為己語言矣古今之間
豈有己之言語不會得者乎可笑之甚

孟子知言與告子反對

孟子曰可以無取取傷廉可以無與與傷惠可以無
死死傷勇離婁傷廉與傷惠勇意義自別義不可取

而取者直傷廉隅廉潔之道也施與者惠也義不可與而與者似惠非惠也死難者勇也義不可死而死

者似勇非勇也是同語異義也

可以取不取傷廉是似廉非廉也可以與不與傷惠可以死不死傷勇是直傷惠與勇也補孟子語如此恰相反對古文之妙如此

又管仲得君如彼其專也行乎國政如彼其久也功烈如彼其卑也公孫丑伊尹於成湯太甲非不專也周公召公歷事文武成康四世非不久也中庸云在下位不獲乎上民不可得而治矣恒象云聖人久於其道而天下化成如以久與專斷管仲之罪則管仲豈

敢服之乎蓋不專則不能運吾才而行吾志也不久則不能廣施而遠及也管仲既專且久而其所為霸術耳故孔子以為小器曾申以為功烈其卑是管仲之罪所不能辭也同語異義如此

論語知之好之樂之由之失之之類之字指道其它別有所指焉君子義以為質禮以行之遜以出之信以成之君子哉衛靈公左傳仁以接事信以守之忠以成之敏以行之事雖大必濟成九年之字為指上之仁義猶之可矣左傳畢萬筮仕車從馬足居之兄長之母覆之衆歸之閔元年足居之之字指車馬兄長母覆豈指車馬乎衆歸之之字指畢萬足居之居豈踞畢

萬之首。年畢萬師長衆庶如兒。覆育衆庶如母。二之字指衆庶也。四之字參差不齊如此。論語民可使由之不可使知之。古註集註解不可為不能極是晦菴一說以不可解之物茂卿襲用之。今按古文不可不能有判然而別者有通而用之者不可拘泥。論語臨大節而不可奪也。伯恭言不能傾奪其志也。又匹夫不可奪志也。罕是亦言不能移奪其志也。孟子聖而不可知之之謂神。盡言聖人之德神妙無方常人之所不能測知也。集註聖之至妙人所不能測是也。左傳隨未可克也。桓八年不能克也。宋成未可知也。同十年不能知也。又引詩云斯言之玷不可為

也。年九不能為也。又西鄰責言不可償也。同十年不能償也。又不得其守國不可得也。同二十年不能得也。又不可教訓不可盈厭。八年言不能教訓不能盈厭也。大學有斐君子終不可諠兮。道盛德至善民之不能忘也。是先秦古文解不可為不能不能通用是其煥然昭著者也。中庸道也者不可須臾離也。是以離為不可也是正義也。伊藤維楨以不能解之是非中庸本義然其所說與孟子所謂夫道若大路然相通其言亦妙矣。論語人不知而不愠。文言避世无悶不見是无悶中

庸遜世不見知而不悔大戴不知我吾無悒悒論語
仁者不憂繫辭樂天知命故不憂論語又曰不患人
之不已知又曰貧而無怨難又曰不怨天不尤人皆
言知命君子窮處不遇不以動心曰問悔曰憂患曰
怨尤本無一定之義則愠亦悲恨之意固不足拘拘
也近江字鼎解詰愠字至數百言愚人之為學往往
如此

左傳西鉏吾曰此吾患也亦吾患也非吾憂也成
年是互用憂患二字可見古人不拘拘也已

助字虛字不可拘泥

論語子曰大哉問八又曰善哉問顏又子夏曰富哉

言乎上同語例一有助語一無助辭孟子王曰大
哉言矣梁惠又晏子曰善哉問也上又王曰善哉言
乎上同語例一篇之中三換助語矣也乎並
用古人不拘如此是豈有法律之可求乎

留侯世家其說高祖八不可之說其不可者一矣其
不可者二矣至五不可皆用矣字自六至八皆用也
字也矣換用不拘如此或謂是有意義果然則漢書
記之皆用矣字何邪班固一代文人豈不知也矣之
別乎是不通之說也

尚書顛濟若之何其微子小雅夜如何其庭燎以其
換乎左傳若敖氏之鬼不其餒而宣四逸周書下民

呂覽上脫
以而換乎
四字

晉怨不其亂而夫萬良後漢書武宣之軌豈其遠而黃
傳呂覽昭王曰然則先生聖于註于乎也審是以于
換乎于越於越同而於乎亦相通則于之換乎固其
宜也左傳諸侯歸晉之德只非歸其尸盟也注只辭
襄二十以只換矣國風日居月諸舟檀弓何居我未
之前聞也注居語助也左傳誰居後之人必有任是
夫成二莊子何居乎形固可使如槁木齊物居與邪
乎同左傳不祀忽諸服虔云諸辭文五又是藐諸孤
僖九諸與乎同秦誓斷斷猗無他技大學作兮伐檀
河水清且漣漪以猗為辭詩之助語最多奇辟要之
助字皆語言之餘韻無有深義言其矩法者非穿鑿

附會則詐誕欺罔要皆拘泥之所使然也
孝悌為仁之本與言孝弟為行善之本耳也者有無
無闕涉大義也汝得入乎言得賢人乎否耳焉耳哉
有無亦無交涉大義也尚書無也字左傳無輒字然
其文義固自明白六朝翻譯法華無一字助辭然其
文義極是平易助語之不闕大義是亦可以見也巳
有文人言是斯之別駁蘓子瞻之誤矣夫是非之是
不可作此彼此之此不可作斯又有作其與之通者
是此斯三字音義全同孟子吾豈若使是民為堯舜
之民哉又曰天之生此民也又曰予將以斯道覺斯
民也萬一章一段文辭是此斯三字換用雖味三尺豈得

言其別乎

義理不可拘泥

中庸無憂者其惟文王乎以王季為父以武王為子父作之子述之論語述而不作樂記知禮樂之情者能作識禮樂之文者能述論語樂記作述言禮樂也中庸作述言王業也否則王季雖賢豈作禮樂之聖乎中庸或因而知之或勉強而行之困知與勉行對言刻苦為學困苦知道也論語困而學之言有所不通然後始志于學也故下文云困而不學民斯為下矣非為學之困苦也中庸溫故而知新上文尊德性而道問學之例溫故言脩德也知新言講學也朱子

以存心致知解之當矣論語溫故而知新子夏所謂日知其所亡也知新也月無忘其所學也溫故也可謂好學也已矣是也是講學之事也論語溫故也中庸吾說夏禮不足徵也徵言證驗也言用諸民而無信從之驗也故下文云君子之道本諸身徵諸庶民徵義可見論語杞宋不足徵也言杞宋之國無文獻之可考證也中庸其至矣乎及治國其如示諸掌乎是與論語同耳聖孫引夫子之語及用夫子之語其異同如此左國諸書引用詩書與原意不同古人以此為斷章取義世儒所知也要之字句義理可就各處求之不能為拘泥之見也

不憤不啓，不悱不發。舉一隅而示之，不以三隅反，則吾不復也。聖人之教人，何其簡易也。有鄙夫來問於我，空空如也。我叩其兩端而竭焉。聖人之教，久，何其詳悉也。

仁善之通

善者仁義忠信之統名也。是故大學以仁敬孝慈信為至善。孟子以仁義禮智四端之心為性善。論語仁字亦衆善行之統名也。是故古人多與善通。論語我欲仁斯仁至矣。又云欲仁而得仁，又焉貪。孟子可欲之謂善，仁善之通其微一矣。論語舜舉皋陶，不仁者遠矣。湯舉伊尹，不仁者遠矣。左傳羊舌職曰吾聞之

禹稱善人，不善人遠。此之謂也。宣十仁善之通其微二矣。大學堯舜率天下以仁，而民從之。桀紂率天下以暴，而民從之。孟子文武興，則民好善；幽厲興，則民好暴。仁善之通其微三矣。中庸舜其大知也，與智也。回也得一善則拳拳服膺，仁也。子路問強勇也，仁善之通其微四矣。表記仁者安仁，知者利仁，畏罪者強仁。大戴太上樂善，其次安之，其下亦能自強。曾子仁善之通其微五矣。善衆善之統名而仁亦衆善之統名。以仁為善，先秦既然，何待安國之言乎。要之孟子曰三子者不同道，其趨一也。一者何也？曰仁也。伊尹之任，伯夷之清，柳下惠之和，不同其道而其所歸則

一善也孔子曰道二仁與不仁而已矣言善與不善也言諸道之歸一善也以仁為善孔孟舊說何待安國之言乎又豈待正叔專言之言乎

衆善皆仁衆善皆仁之細脩仁之方

吾道

孝悌 孝悌也者其為仁之本與

忠恕 己欲立而立人己欲達而達人

恭敬忠 居處恭執事敬與人忠

恭寬信敏惠 恭則不侮寬則得衆信則人任焉敏則有功惠則足以使人

克己復禮 克己復禮為仁矣非禮勿視聽言動

敬恕 出門如見大賓使民如承大祭

訥言 訥者其言也訥

先難後獲 仁者先難而後獲

事賢友仁 居是邦也事其大夫之賢者友其士之仁者

愛人 問仁曰愛人

仁者衆善之宗

仁

一以貫之

附錄

伯夷之清

一以貫之

柳下惠之和

仁

伊尹之任

孟子曰三子者不同道其趨一也一者何也曰仁也

微子去之

一以貫之

箕子為之奴

仁

比干諫而死

孔子曰殷有三仁焉

朱子以主知安行為知以學知利行為仁與論語表記并廢極是紕繆
孔子曰聖與仁吾豈敢及不許諸子之仁以安行之難也非安行之人則非真仁者也與汎然稱善行為仁固自有遥庭學者不可不察也

仁

自誠明謂之性

智

自明誠謂之教

勇

三知也

或生而知之

或學而知之

或困而知之

生而知之者上也

學而知之者次也

困而知之者又其次也

誠者不行而中

誠之者擇知善而固執之

人一能之己百之，己百之己千之，之已千之，之已千之，之已千之

不知思而得從容

而固執之

人一能之己百之，己百之己千之，之已千之，之已千之，之已千之

從心所欲

顏子擇乎中庸得三善則拳拳服膺而弗忘之矣

及其知之，一也中

欲不踰

善則拳拳服膺而弗忘之矣

及其知之，一也中

動容周旋中禮

執也三月不違亦非行仁義也

及其成功，一也庸

盛德之至也

非行仁義也

及其成功，一也庸

舜由仁義行

非行仁義也

及其成功，一也庸

三行也

或安而行之

或利而行之

或勉強而行之

里仁為美

擇處仁

仁者安仁表論語

知者利仁表論語

畏罪者強仁表

聖人仁者表記

賢人智者

士人學者

表記中心安仁者天下一人而已矣

三近也

好學近乎知

力行近乎仁

知耻近乎勇

里仁篇云仁者安仁知者利仁公治長篇次之云不知其仁焉得仁仲弓之簡子文之忠文子之清及子路之果冉有之藝子華之禮容皆仁之細也

雖然諸子皆非安行之人故不許其仁編輯論語者用意纖悉啓迪後人不啻回命寔似提耳而後人不思及之何其不聰之甚是其病重聽者乎

要義附錄

孔子以仁為教亦不明言仁矣以一貫為要而一貫之義唯參賜聞之夫唯參賜聞之而其義亦以忠恕彷彿言之而已論語之書平易坦明而仁既不明一貫亦空中摸摸是孔子之教誨如謎聽如覆射公孫也所謂弟子之惑滋甚者也豈然乎哉雖然孔子固曰舉一隅而示之不以三隅反則不復又曰予欲無言孟子亦曰中道而立能者從之蓋其意欲使學者有憤悱啓發而悅懌踊躍不能自己而已是聖賢鼓舞作興之術固為然矣其所謂無隱乎爾者亦非如後世語類師資問答也宋諸老先生之解經切則切矣竊謂韓非所謂郢書燕說者或不免焉且其所說

仁也一貫也似精微高妙或涉深險回譎焉願未易適從也
 錦城先生之學固不廢宋學又崇宋儒然至其說之盤則不諛從雷同以糾駁歸正自任矣頃
 作仁說及一貫明義刊行以布世其為說也坦當明暢聖經之旨熖如揭日月若或讀之不首肯者非愚則
 惑也昔倉頡作字鬼夜哭蓋以泄造化之秘也今若此二書闡千歲之幽建後學之標為惠實多雖然焉
 知不有儉妬之鬼而痛哭於幽冥中邪余雖謏劣亦預此舉於是乎謹跋
 文政四年辛巳六月朔
 下野門人出井元凱悖三謹識

大日本史二百四十三卷

水府御藏版 全部一百冊

本紀 起第一卷神武天皇 至第七十三卷後小松天皇

后妃列傳 起第七十四卷神武天皇 至第八十五卷後小松附北朝皇后

皇子列傳 起第八十六卷神武天皇 至第九十九卷後小松附北朝皇太子

皇女列傳 起第一百卷孝靈天皇 至第一百五卷後村北朝皇女

列傳 第一百六卷 至第一百七十八卷

將軍列傳 第一百七十九卷 至第一百八十六卷

將軍家族列傳 第一百八十七卷 至第一百九十九卷

將軍家臣列傳 第一百九十九卷 至第二百十二卷

文學列傳 自第二百十三卷 至第二百十七卷

歌人列傳 自第二百十八卷 至第二百二十一卷

孝子列傳 第二百二十二卷

義烈列傳 第二百二十三卷

列女列傳 第二百二十四卷

隱逸列傳 第二百二十五卷

方技列傳 第二百二十六卷

叛臣列傳 自第二百二十七卷 至第二百三十卷

逆臣列傳 第二百三十一卷

外國列傳 自第二百三十二卷 至第二百四十三卷

水府御藏版垂裕閣法帖 全部七帖

- 第一帖 後漢州輔碑 後漢張芝 魏鍾繇
- 第二帖 晉王羲之 吳皇象 晉索靖 晉郝愔
- 第三帖 晉謝安 晉楊羲 晉王羲之
- 第四帖 晉王羲之 晉王凝之 晉王徽之
- 第五帖 晉王羲之 晉王操之 晉王浣之 晉王羲之
- 第六帖 齊王獻之 梁王慈 齊王僧虔
- 第七帖 隋僧智永 唐虞世南 唐歐陽詢
- 第八帖 唐褚遂良 唐陸柬之 唐薛稷
- 第九帖 唐李靖 唐孫過庭 唐徐浩 唐顏真卿
- 第十帖 唐柳公權 唐懷素 唐林藻
- 第十一帖 唐張旭 唐僧懷素 唐林藻
- 第十二帖 唐杜牧之

- 第十帖 五代楊凝式 五代僧彦脩 宋蔡襄
- 第十一帖 宋蘇軾 宋黃庭堅 宋米芾
- 第十二帖 元趙孟頫大學帖
- 第十三帖 明祝允明
- 第十四帖 明王寵 明邢侗 明董其昌
- 第十五帖 明張瑞圖
- 第十六帖 元趙雍 明李姓 明祝允明
- 第十七帖 明文徵明 明袁尊尼 明周天球
- 第十八帖 明陸師道 明王穀祥 明許初
- 第十九帖 明陸安道 明文彭 明英雲卿
- 第二十帖 明朱之瑜 明張斐 明僧興壽

此帖後漢州輔碑以降近之明末僧心誠書之至マテ
歷代至家法書真蹟就中ノ道美ナルヲ撰集メラレタ
リ同リ功刻ニ非ニ採取ノ精博鈞摹ノ織妙削刷
ノ良善俟装ノ工穩各々天下ノ選極メリト云シ實ニ
文房最第一ノ雅玩ナリ 岩樹山町三丁目
和泉屋金右衛門

集古法帖

常州自造館藏板

全八帖 及門遺節

止忠會澤先生著

第一帖 醍醐天皇御書 孝謙天皇御書 嵯峨天皇御書

第二帖 空海行書 僧正遍昭書 善人親王藥師寺塔露盤銘 惠美押勝借書

第三帖 楠邊勢書 官神君借書 藤佐理書 藤行成書

第四帖 小野道風書 法隆寺樂師佛背銘 宇治橋新碑 元明陵碑

第五帖 多賀城碑 藤敏行神護寺鐘銘 南園堂銅燈臺銘

第六帖 空海草書 小野道風書 藤行成書 藤佐理書

第七帖 醍醐天皇御書 空海草書 秋光堂戒師關木 秋加像光持記 藤道長書 秋上雲書 秋中津書

第八帖 弘法大師書

嚴氏詩緝 此書ハ呂東來ノ詩記ヲ以テ主トシ諸説ヲ雜
采シテ之ヲ發明セリ田説ノ安カラサル者ハ斷
スルニ己ガ立テ以テ深ク詩人ノ本意ヲ得テ音訓
名物等ニ至テハ考證尤精核トス詩ヲ讀ヒ此書
據スハ其蘊ヲ發スルコト能ハス

- 下學通言 同 全一冊
- 紀元通略 簡堂羽倉先生著 全一冊
- 南汎録 先生南行日記ニハ其外魯シ風俗ノ事ヲ論シ等
マテ眼前三見カ如ク尋常南島諸記ヨリ紙數ニテ
事ノ委ニ百倍シタル好書ナリ 同 全一冊
- 從吾所好 崇山拙齋三洲茶山杏坪懽堂山陽淡窓八家詩中ヨリ
尤發明アル詩ヲ選ヒタレハ是ヲ論ム自ヲ妙悟アルニシ 同 全二冊
- 資治通鑑評 同 全一冊
- 讀史劄記同補 同 全四冊
- 史肝甲集乙集 同 全四冊
- 三律機要 同 全一冊
- 西上記 同 全一冊
- 艮生錄 同 全一冊
- 傳疑小史 履軒中井先生著 全一冊

周易正文 兼山片山先生點

全二冊

論語考二編 宇士新先生著

全三冊

周禮正文 同上

全三冊

此書ハ經傳ノ史凡ソ論語ノ意ニ涉ルモノハ旁引曲証ノ精詳ヲ極ム學者ノ考證ヲ資ケテ最モ裨益アルノ珍編ナリ

禮記正文 同上

全五冊

論語一貫 兼山片山先生著

全五冊

合刻四書 孝經學記 大學中庸

全一冊

先生近古最ニ考証家ニシテ清朝諸大家ノ影響アリ元祿享保ノ學ノ謬誤ヲ一洗シテ一家ノ學ヲナス儒者必讀ノ書ナリ

孟子正文 兼山片山先生點

全三冊

趙註孟子 全四冊

大學原解 錦城太田先生著

全三冊

中庸原解 同上

中庸原解 同上

全三冊

三經談 晴軒太田先生著

全一冊

先生經學ニ大功アルハ天下ノ驚服スル所ナリノ經解數十部アリテ此書ハ其一ナリ古今諸注家ノ紕繆ヲ訂シテ先聖ノ秘蘊ヲ發明ス學庸注解ノ書多シト云ヒ此書ノ如ク精確ナルハナシ學者ノ最モ貴重スベク書ナリ

大學原本釋義 善庵朝川先生著

全一冊

後漢趙岐臺卿ノ解スル慶末ノ程朱以前ニシテ別ニ見處アリ新注ヲ讀ム人マツコトヲ披覽セザルベカラズ

大學原本釋義 善庵朝川先生著

全一冊

此書ハ論語孟子周易ノ疑義ヲ明ラカニ辨シテ學者講經ノ一助タラシム日錦城先生晚年ノ定説ヲモ記載シタレバ凡經談ト相參考シテ最モ裨益アルノ書ナリ

玉巖堂領行并製本書目

和泉屋金石備門

通彙編 小用御藏板 北志會澤先生著

全一冊

資治通鑑正編 京司馬編纂 全四百一十冊

草偃和言 同上

全一冊

第一帙 自序目錄 全一冊

皇朝史略 青山延下先生著

全一冊

第二帙 自序目錄 全一冊

國史纂論 長門明倫館藏板 太華山縣先生著

全一冊

第三帙 自序目錄 全一冊

此書ハ宋ノ范太史唐鑑ノ體ニ倣シ 皇朝ノ神武天皇ノ一ノ慶長ノ初ニ至ルマデノ治亂盛衰ノ理ノ物政事ノ迹ヲ載ヒ條ニテ古今諸儒ノ論ヲ纂メ開目ニ見ル所ヲ附シ議論精確國史ヲ讀ム者ノ心目ヲ開發シ古今未嘗有ノ善著述ナリ故ニ皇朝ノ生レ史學ニ志アルモノハ必ス此書ヲ熟讀スベシナルヘカラス

全一冊

第四帙 自序目錄 全一冊

山陵志 水府御藏板 蒲生君藏先生著

全一冊

第五帙 自序目錄 全一冊

常陸風土記 水府御藏板 松野西野先生校

全一冊

第六帙 自序目錄 全一冊

讀史餘論 白石新井先生著

全一冊

第七帙 自序目錄 全一冊

此書數々を校訂し且其體裁も亦て標榜すべし加へて其の要を必すてハ者ナリト云々

全一冊

第八帙 自序目錄 全一冊

品字箋

全一冊

第九帙 自序目錄 全一冊

增評八大家文讀本

此書清乾隆帝翰林學士沈德潛撰其學者益アルト世ノ知ルトコト然レ今又山陽賴先生曾評ヲ掲ケ且校點ヲ加ヘ名ハ詩ヲ初學者読カシメテ實作文家有用ノ新篇ナリ

全十六冊

宗忠簡文鈔

岳忠武王集

陳龍川文鈔

楊叔山全集

錦城文錄

它山存稿

四詠唱和

聯珠詩格箋注

全二冊

全一冊

全四冊

全四冊

全一冊

全四冊

全一冊

全五冊

晚唐十家絕句

杜牧 許渾 趙嘏 李群玉 溫庭筠 薛能 皮日休 陸龜蒙 吳融 韋莊 右十家ノ七言絶句ヲ集ム

全二冊

甌北詩選

清趙翼先生著

甌北詩話

天民它山先生校

鳳鳴集

錦城太田先生著

譯解笑林廣記

遊戯上ノ纂輯

駱駝考

它山堤先生著

梧坡教諭

錦城先生附言

談鋒資鏡

克民荒井先生著

全三冊

全四冊

全三冊

全二冊

全二冊

全二冊

全一冊

全二冊

全二冊

全一冊

全二冊

全一冊

善庵詩鈔

善庵朝川先生著

全二冊

篋中集

姜湖卷先生著

全一冊

詠史絕句

叔齋守田先生著

全二冊

此編本邦諸名家集中ニ對シ其詠史絶句ヲ採リ凡モ取人物ノ和漢ノ拘ヒテ盡ク輯録シタルヲ初學ノ誦史ノ眼ヲ開キ識見ヲ長スル好著撰ナリ

梧意詩話

藤坡林先生著

全二冊

詩學韻海

大典禪師著

全二冊

世ニ初學作詩ヲ為シ設ルノ書多シトイヘ韻字ヲ用ユル例ヲ悉ク論シタルモノナシコトハ韻字ノ下ニ解フナレ又唐ノ元稹白居易等ノ大家ノ集ナリ長韻ノ詩ヲ格出シ古人ノ隻句ヲ載ヒタルハ是ニ據テ其用例ヲ搜索セバ益アリ鮮ナカラズ

新定詩語碎金

琴臺東條先生著

全一冊

新定詩韻碎金

全一冊

此書八平日錦城先生ニ開ク處及後田隨筆中論スル處ヲ節記シテ學者博識ヲ資ニス又小説ノ奇事奇談等載タレバ大ニ看ル人ヲ悦バシム

產科發蒙

片倉元周先生著

全四冊

此書妊娠中ノ諸症臨産ノ經驗治方ヲ悉ク舉ゲ胎産論翼ノ備ハラザルヲ補テモ萬古以來醫書ニコレナキ所ヲ發明シ又阿蘭陀難産ノ圖二十七ヲ翻譯シテ審ニ示シ且家秘ノ妙ガヲアラハシタレ其治療ニ益アルコト舉テ數フベカラズ医ヲ業トスルモノ一日モ此書ナクンバアルベカラズ

傷寒啟微

同上

全三冊

此書ハ傷寒論ノ諸註家未ダ言ハザル所ノ奧義ヲ發シ瘟疫ト傷寒ト同病タルヲ辨明シ且傷寒金匱ニ書ラガニテ症ニ臨テ足ラザル所ノ治方ヲ唐以來ノ醫書ニ撰ラビ又經驗スルトコロノ新定十七ガ並ニ十陣丸ガアラゲテ治療ノ切トス今治療スルニ其益其多クシテ人ヲ濟シ深切ナル書ナリソノ新定スルトコロノ諸方又死症ヲ發明スル所ノ妙處ニイタリテハ實ニ仲景ノ羽翼トイフベシ

方機

九散 兼用

小本

全一冊

此書東洞先生ノ作テ金匱傷寒ノ方ニ機變妙用アルヲ記セリ是先生常用ノ方劑ニシテ臨病ノ機變活用ノ書ニキタリ且九散兼用ノ法ヲ載セタルハ大ニ切學治療ノ益トナルヘシ

徽蘊新書

片倉元周先生著

全三冊

此書ハ古ヨリ難治ノ癩病ヲ先生燒針ヲ刺シ斑癩ヲ以テ毒ヲ去ル事ヲ發明シ千古以來コレナキ治術ヲ萬世ニ傳ル所リ又梅瘡ノ治法此書ヲ能ク及覆ミテ讀トキハ如何ナル難症ニテモ治ヒサレハナシ實ニ天下第一ノ奇書ナリ

青囊瑣探

片倉元周先生著

全二冊

此書ハ先生ノ漫筆ニシテ人ノ戒トナリ又初堂ニ醫學ヲ勸メ人情ノ免レサル所ヲ記シ且奇効アル秘方並ニ甲斐ノ徳本ノ經驗十九方ノ生治藥ガヲ舉ゲ醫家ノ重寶ナル書ニシテ又俗家ニテモ是ヲヨムトハ發憤シテ壯年ノ益トナルベシ

靜儉堂治驗

同上

全三冊

此書ハ先生數十年來ノ治驗百中ノ一ヲ悉クシ置レタル集メラレタルノ病者ノ姓名住所前医ノ治方又ハ自ラ與ヘタル劑ノ効ナル効ナキヲ包ム一ツカ、又麻疹ノ經驗方肝症ノ治方並ニ弟子大森氏ノ治効ト餘條ヲ記シ又衆医ノ治スルノ能ハザル奇疾ヲ治スル等國字ヲ以テカレタルハ實ニ後進有益ノ書ナリ

觀聚方要補

柳沢多軒先生著 薄葉指合本

全二冊

右前板世行ハ、一已ニ又シテ其間差錯アルヲ憾ム近歲宋軒一金外臺等相踵テ出ルニ後ハ是ニ於テ補訂ヲ加フ點數一モ遺誤ナシト云フヘシ

内科秘録

東軒本間先生著

全十四冊

療治知要

同上

全五冊

醫方纂要

同上

全五冊

同分註

同上

全七冊

保嬰須知

同上

全一冊

經穴撮要

東軒本間先生著

全一冊

皇朝醫林談

同上

全七冊

藥室雜識

同上

全三十冊

日新醫談

同上

全三冊

影刺宋本傷寒論

明趙開美原本舟菴瓶川先生校

全四冊

世ニ流布スル所ノ宋本傷寒論ハ乃チ坊間陋刺ニ據ル氏原本ト其板式大ニ異ナリ故ニ誤謬錯脱頗ル多シテ確徵ヲ取ニ足ラズ且私意臆略アリ其舊殆ト失スルニ至ル今始テ趙氏原本ヲ得テ此ヲ影摹シ是ニ於テ北宋本ノ真面目燦然トシ復世ニ顯ハル其精校佳刺タルト海内ノ善本ト謂フ

明倫歌集

儀禮節義

全二冊

卷之一 君臣

卷之二 父子

卷之三 夫婦

卷之四 兄弟

卷之五 神祇

國體文武拾遺

增補 年中用文大成 臨泉堂先生著 全一冊

此書は年中用文の大成にして、
子孫傳文月の妻名を以て加へ、
大字にて書き、たれども向後大冊用文章の隠也

補増 紅梅用文章 同筆 全一冊

此書は年中用文の大成にして、
父率名流名を以て加へ、
と貯へたし、要に調製となす

頭書 通俗用文章 全一冊

補増 女諸用文章 御家橋正敬筆 全一冊

此書は女用文章の大成にして、
座の合に合せしむる、
非小也、おのまじと自れ、
非ゆゑ、ついで月の名を記さる

狂歌道算筆早學 重田元著 全一冊

此書は狂歌道算の大成にして、
狂歌の大成と云ふ、
狂歌の大成と云ふ、
狂歌の大成と云ふ

農家用文章大全 同上 全一冊

此書は農家用文章の大成にして、
農具村役の耕候の要なる、
農具村役の耕候の要なる、
農具村役の耕候の要なる

笑戲自知録 伴田陳人著 全一冊

此書は心算の大成にして、
術の大成と云ふ、
術の大成と云ふ、
術の大成と云ふ

塵劫記 露盤獨稿古 山三著 全一冊

此書は塵劫の大成にして、
算の大成と云ふ、
算の大成と云ふ、
算の大成と云ふ

實語教童子教證註 根鷲尊著 全一冊

古狀揃證註 蘭山高井翁著 全一冊

御成敗式目證註 同 全一冊

源平古狀揃證註 蘭山高井翁著 全一冊

此書は源平古狀揃の大成にして、
源平古狀揃の大成にして、
源平古狀揃の大成にして、
源平古狀揃の大成にして

大日本國郡附 内而摺 全一面

大日本國地球全圖 内而摺 全一面

萬國地球全圖 内而摺 全一面

諸國道中旅准 内而摺 全一面

泰平年代記 内而摺 全一面

實語教童子教首書無點 全一冊

同 首書無點 全一冊

今川童蒙解 全三冊

好文古狀揃首書無點 全一冊

文貨古狀揃首書假名附 全一冊

古狀揃講釋 蘭山高井翁注 全一冊

同假名附 全一冊

御成敗式目首書繪抄	全冊	相生百人一首	全一冊
同 假名附	全一冊	同半紙本	全一冊
同 抄	全一冊	同女今川入	全一冊
庭訓往來無點	全一冊	長雄女今川	全一冊
弘文庭訓往來 <small>臨泉堂書</small>	全一冊	女今川千代見種首書繪入	全一冊
教讀庭訓往來首書假名附	全一冊		
千字文首書繪入兩點	全一冊		
百姓往來假名附	全一冊		

京都三條通外屋町	出雲寺文次郎
同 東洞院通三條上	村上勘兵衛
大坂心齋橋通北久太郎	河內屋喜兵衛
同 安樂寺町	秋田屋太右衛門
同 大徳寺町	伊丹屋善兵衛
尾州名古屋屋町	永樂屋東四郎
江戸日本橋通一丁目	須原屋茂兵衛
同 淺草寺町	須原屋伊八
同 日本橋通一丁目	山城屋佐兵衛
同 同所	須原屋新兵衛
同 芝神門	岡田屋嘉七
同 横山町三丁目	和泉屋金右衛門版

